

CÒPIA



COMUNE DE PUTUMAJORE

PROVÌNTZIA DE TÀTARI

ORDINÀNTZIA DE SU SÌNDIGU

N. 19/24 DE SU 19-05-2020

<p>OGETU: Minimadura de sas mesuras de cuntenuimentu contra a su COVID-19. – Si torrat a abèrrere dae su 20 de maju de su 2020 su mercadu chi si faghet onni chida.</p>
--

SU SÌNDIGU

Premìtidu chi in aplicatzione de sos pruvidimentos natzionales e regionales in matèria de cuntenuimentu de sa difusione de sa cundidura dae COVID-19, chi ant impostu s'adotzione de mesuras restritivas chi previdiant, tra sas àteras cosas, sa sessada de atividades medas de su setore produtivu, tra custas cussa de sos mercados de su bighinadu, fiat disposta sa sessada de su mercadu ambulante chi si faghet onni chida;

Atesu chi, bida s'andanta a favore de s'evoluzione de s'epidèmia, in s'òtica de una minimadura de sas mesuras restritivas impostas in antis, in sas dies coladas sunt istados intregados a livellu natzionale e regionale provedimentos diferentes chi permitint de torrare a abèrrere unas cantas atividades econòmicas, tra custas cussa de sos mercados de su bighinadu;

Bidos in propòsitu:

Su D.L. de su 16 de Maju de su 2020 e a manera particolare s'art.1, comma 14 chi retzitat “Sas atividades econòmicas, produtivas e sotziales si divent acumprire in su respetu de sos contenutios de protocollos o linias guida idòneos a prevènnere o minimare s'ariscu de sa cundidura in su setore de riferimentu o in àmbitos anàlogos, adotados dae sas regiones o dae sa Cunferèntzia de sas regiones e de sas provìntzias autònomas in su respetu de sos printzipios cuntènnidos in sos protocollos o in sas linias guida natzionales. In ausèntzia de cussas regionales agatant aplicatzione sos protocollos e sas linias guida adotados a livellu natzionale. Sas mesuras limitativas de sas atividades econòmicas, produtivas e sotziales podent èssere adotadas, in su respetu de sos printzipios de adequatesa e proportzionalidade, cun provedimentos intregados cunforma a s'articulu 2 de su Decretu-Lege n. 19 de su 2020 o de su comma 16”

- Su D.P.C.M. de su 17 de Maju de su 2020, e in particolare s'art. 1) lit. dd) chi apostivigat “sas atividades cummertziales a su detàlliu s'acumprint bastat chi siat asseguradu, a fora de sa distàntzia tra pessones de a su mancus unu metro, chi sa gente intret a pagu a pagu e chi siat impedumadu de istare intro de sos locales prus de su tempus chi bi cheret pro comporare sos benes; sas atividades mentovadas in subra si divent acumprire in su respetu de sos contenutios de protocollos o linias guida

idòneas a prevènnere s'arriscu de cundidura in su setore de riferimentu o in àmbitos analogo, adotados dae sas regiones o dae sa Cunferèntzia de sas regiones e de sas provintzias autònomas in su respetu de sos printzìpios cuntènnidos in sos protocollos o in sas linias guida natzionales e semper e cando in coerèntzia cun sos critàrios de sos cales a s'allegadu 10. Si racumandat puru s'aplicatzione de sas mesuras de sas cales a s'allegadu 11”.

Sos allegados mentovados a su D.P.C.M. de su 17 de Maju de su 2020, cun sos cales:

A s'allegadu 10: sunt istados detados sos printzìpios generales in base a sos cales sunt istados intregados sos protocollos de setore chi cuntinent sas mesuras ispetzificas de caràtere organizzativu, igiènicu-sanitàriu e de preventzione e de protetzione;

b) A s'allegadu 11: sunt istados adotados sos protocollos ispetzificos, dislindados pro setores, tra sos cales cussu pro su cummèrtziu in àreas pùblicas, chi previdit:

Sa limitatzione de sas intradas e sa vigilàntzia de sos atzessos in su respetu de sos puntos 1, 4, 5, 6, 7 lit. c) e 8 de s' allegadu 5 de su D.P.C.M. de su 26 de abriale de su 2020 chi apostivigaian:

- Mantenimentu in totu sas atividades e sas fases issoro de sa distàntzia tra pessones;
- Atzessos regulamentados e partzidos in grupos cunforma a su logu chi b'est a dispositzione, diferentiende, in ue siat possibile, sos percursos de intrada e de essida;
- Disponibilidade manna e atzessibilidade a dispositivos pro si disinfetare sas manos, a manera particolare a curtzu a in ue si pagat;
- Impreu de sos guantos de impitare solu una borta cando s'est comporende, a manera particolare cando si còmporat roba de mandigare e de bufare;
- Impreu de sas mascherinas siat dae parte de sos operadores siat dae parte de sos clientes, cando no est possibile assegurare a su mancus unu metro de distàntzia dae una pessone a s'àtera;
- Informatzione pro garantire sa distàntzia de sos clientes chi isetant de intrare, positzionamentu a s'intrada de sos mercados de cartellos a su mancus in limba italiana o inglesa pro informare sa clientela subra de sos cumportamentos curretos;

Sa cumpetèntzia in cabu a sos Comunes, a sos cales faghent riferimentu sas funtziones de istituziones, regulatzione e gestione de sos mercados, de sas fieras e de sos mercadeddos de sos “hobbisti”, de sa regulamentatzione in s'àmbitu de sos matessi – fatu chi siat puru un'acordu apòsitu cun sos titulares de sos postègios – de s'individuatzione de sas mesuras prus idòneas e eficatzes pro minimare s'arriscu de difusione de s'epidemia de Covid-19, assigurrende su respetu de sos puntos de sos cales in subra, leende in cunsideru sa localizatzione issoro, sas caraterísticas de sos cuntostos urbanos, logísticos e ambientales ispetzificos, sa frequentatzione minore o majore, pro evitare chi sa gente siat a muntone. e assegurare sa distàntzia tra pessones de a su mancus 1 metro in s'àrea in ue b'est su mercadu. In particolare sos Comunes in sa regulamentatzione pròpia ant a dèvere prevedire mesuras logísticas idòneas, organizzativas e de presidiu pro garantire atzessos partzidos in grupu in relazione a sos tretos disponibles pro evitare chi bi siat tropu gente in s'àrea de su mercadu e assegurare chi tra una pessone e s'àtera bi siat su distanziamentu sotziale.

Pro assegurare sa distàntzia tra una pessona e s'àtera podent puru èssere valutadas àteras mesuras comente:

- Tretos de su mercadu de atraessare solu in una filada;
- Positzionamentu de s'inalletica (orizontale e/o verticale) in sos tretos a curtzu a sos bancos singulos e a istruturas pro bèndere pro favorèssere su respetu de su distanziamentu;
- Prus distanziamentu de sos postègios e pro cussu, in ue est netzessàriu e possibile, un'ampramentu de s'àrea de su mercadu;
- Individuatzione de un'àrea de respetu pro onni postègiu in ue limitare sa cuntrentratzione màssima de clientes presentes in su matessi tempus, in su respetu de sa distàntzia de unu metro;
- S'est netzessàriu sos Comunes ant a pòdere puru valutare de suspèndere sa bèndida de benes giai impreados;

Sas measuras de preventzione chi sighint sunt a càrrigu de su titolare de su postègiu:

- Innetadura e igienizatzione onni die de sas atrezaduras in antis de cumintzare sas operatziones de bèndida in su mercadu;
- Impreu obligatòriu de sas mascherinas, mentres s'impreu de sos guantos podet èssere remplasadu dae un'igienizatzione frecuente de sas manos;
- Pònnera a dispositzione de sa clientela in onni bancu produtos pro s'igiene de sas manos;
- Respetu de su distantziamentu tra sas pessones de a su mancus unu metro.
- Respetu de su distantziamentu tra pessones de a su mancus unu metro dae sos àteros operadores puru in sas operatziones de càrrigu e iscàrrigu;
- In casu de bèndida de bestimentas: ant a dèvere èssere postas a dispositzione de sa clientela guantos de impreare solu una borta a manera obligatòria pro seberare in autonomia, sa mertze, tochende-la;
- In casu de bèndida de bene giai impreados: si devet igienizare sa bestimenta e sas botas in antis chi siant postas in bèndida;

Bida s'Ordinàntzia de su Presidente de sa RAS n. 23 de su 17 de Maju de su 2020 chi a s'art. 13 apostivigat "In s'àmbitu de su territòriu regionale, in cunsideru de su valore calculadu de s'inditze de trasmissibilitade Rt (R cun t) che pare a 0,24 e finas a chi custu non nche bàrigat su 0,50, subra de sa base de sa publicatzione dae parte de su Ministèriu de sa Salude de sos indicadores prevididos dae su O.M.S. in data 30 de abriale de su 2020, chi tzertificat

sa cumpatibilitade de s'acumprimentu de sas atividades descritas mègius a sighire cun s'andanta de sa situatzione de s'epidemia in su territòriu regionale cunforma a s'art. 1, primu comma, lit. dd), ee) e gg) de su DPCM de su 17 de maju de su 2020, abarrende firma sa proibitzione de istare totus a muntone e su respetu de sa distàntzia tra sas pessones, cunforma a sas linias guida pro torrare a abèrrere sas atividades econòmicas e produtivas aprovadas dae sas Cunferèntzia de sas Regiones e de sas Provintzias Autònomas in data 16 de maju de su 2020 e allegadas a su torradu a cramare DPCM (All. 17), a decurrere dae su 18 de maju de su 2020 est cunsentida s'abertura de sas atividades de:

a) Commèrtziu a su detàlliu in sede fissa, cummèrtziu in àreas pùblicas (mercados, postègios a fora de su mercadu e ediculas) (omissis);

Consideradu chi su mercadu de Putumajore – chi est in s'àrea pùblica tra carrera Ulumos e carrera Sala si cumponet a manera complessiva de n. 24 postègios, chi sunt distantziados unu dae s'àteru a manera adeguada;

Averiguadu chi – pro s'aplicatzione de sas measuras de precauzione apostivigadas cun sas dispositziones recramadas in subra – in riferimentu a s'istèrrida e a sa positzione de s'àrea de su mercadu interessada, bi sunt sas cunditziones de seguresa pro autorizare a torrare a abèrrere su mercadu chi si faghet onni chida in s'àrea pùblica;

Bidos sos art. 50, comma 4 e 54 de su D.Lgs. 267/2000;

ÒRDINAT

De torrare a abèrrere su mercadu ambulante chi si faghet onni chida, a cumintzare dae sa die de mèrcuris 20 de Maju de su 2020, a sas cunditziones e in su respetu de sas dispositziones chi sighint:

- a) Sos tretos de bèndida devent èssere organizados, dae su Cumandu de Politzia Locale, a manera de garantire su respetu de sas règulas de distantziamentu e de sa proibitzione de istare a muntone;
- b) A sos clientes at a èssere cunsentidu s'atzessu e sa permanèntzia in s'àreas de su mercadu solu pro su tempus netzessàriu a comporare e semper e cando a unu nùmeru massimu de pessones chi non siant prus de duas bortas su nùmeru de sos bancos de bèndida chi bi sunt;
- c) Ant a dèvere èssere respetadas sas règulas de su distantziamentu sotziale e sa proibitzione de istare a muntone;
- d) A intro de s'àrea de su mercadu est obligatòriu pro operadores e clientes s'impreu de sa mascheredda de protettione pro sa cara, posta bene, e de sos guantos de impreare una borta sola;

- e) Onni operadore at a dèvere pònner a dispositzione de sa clientela unu produtu adequadu pro disinfettare sas manos (est a nàrrere una solutzione de abba e alcool) a curtzu a in ue si pagat sa mertze;
- f) A intro de onni postègiu de bèndida at a dèvere èssere mantesa sa distàntzia de seguresa tra pessones de a su mancus unu metro tra operadores e clientes e tra operadores matessi. Sa matessi distàntzia at a dèvere èssere mantesa tra operadores in sas operatziones de càrrigu e iscàrrigu de sa mertze;
- g) Onni operadore at a dèvere pruvìdìre a s'igienizatzione frecuente de sas atrezaduras de su mercadu;

IN RELATA A SA BÈNDIDA DE GÈNERES ALIMENTARES E FRÙTORA E BERDURA:

- a) Est proibidu a manera assoluta a sos clientes de tocàre o manigiare sa mertze, duncas sa mertze posta in bèndida at a dèvere èssere ischermada a manera idònea o tenta a distàntzia a manera chi non siat tocada.
- b) Est proibidu sa bèndida in modalidade *selfservice*, duncas sos clientes ant a dèvere èssere servidos solu dae chie est bendende;

IN RELATA A SA BÈNDIDA DE BESTIMENTA:

- a) Ant a dèvere èssere postos a dispositziones de sa clientela guantos de impreare una borta sola de impreare a manera obligatòria pro seberare a sa sola sa mertze;

Su Comandante de sa Politzia Locale at ammaniare unu servìtziu de vigilàntzia idòneu a intro de s'area de su mercadu pro vigilare subra de s'applicatzione curreta e osservàntzia puntuale de custa ordinàntzia. Custa ordinàntzia est luego esecutiva e at a abarrare valeda finas a cando no at a sessare s'emergèntzia sanitària. At a pòdere èssere suspesa o revocada in raportu a s'andanta de sa cundizione epidemiològica.

DISPONET

Chi custa ordinàntzia siat trasmitida:

- A sa prefetura U.T.G. de Tàtari;
- A su Cumandu de Politzia Locale de Putumajore e a su Cumandu Istatzione Carabinieri de Putumajore pro su controllu subra de s'osservàntzia de sos òbligos imposts;
- A sos operadores econòmicos assignatàrios de sos postègios in su mercadu chi si faghet onni chida;

DISPONET PURU

- Chi custa ordinàntzia siat fata connòschere a su pùblicu cun sa publicatzione a s'Albu Pretòriu *online* in su giassu istituzionale de su Comune de Putumajore;
-

AVERTET

- Salvu chi su fatu non costituat unu reatu prus grae, sa farta de s'osservàntzia de sas dispositziones cuntènnidas in s'ordinàntzia presente at a cumportare s'applicatzione de sas sanziones prevididas dae sa lege.
- Contra a custa osservàntzia est ammitidu ricursu giurisdizionale a su TAR de sa Sardigna intro de 60 dies dae sa publicatzione o in alternativa ricursu istraordinàriu a su Presidente de sa Republica intro 120 dies dae sa publicatzione.

Dae sa domo comunale, su 19-05-2020

Su Sindigu

F.du Sen. Mariano Soro

- Su sutascritu responsàbile de su servìtziu de sas publicatziones chi ant efetu de publitzidade legale, bidos sos atos de ufìtziu;

- A T E S T A T

- chi custu atu est istadu publicadu, dae su 19-05-2020 a su 03-06-2020 in su giassuo web istituzionale de custu Comune atzessibile a su pùblicu (*art. 32, comma 1, de sa lege de su 18 de làpadas de su 2009, n. 69*).

-

Putumajore, su 19-05-2020

Su Sìndigu
F.du Sen. Mariano Soro

-
- Est còpia cunforme a s'originale de impitare pro impreu amministrativu.

Putumajore, su 19-05-2020

Su Sìndigu
F.du Sen. Mariano Soro